

KP, 07.11.1874

Z Radworja, 28. oktobra. Džensa bu naša nowa šula přez wysokodostojneho Can. Cap. Cant. knj. Jakuba Kučanka cyrkwinsky poswjećena. Po spěwanej božej mši bu zhromadženej wosadze a šulskej młodžinje we swjećeńskim přědowanju na wutrobu položene, za čo maja so w nastupanju nowoje šule Bohu dżakować a wo čo jeho prosyć. Po „Veni sancte Spiritus (přińdź swjaty Ducho)“ poda so swjećenski čah, we kotrymž so tež naš kollator knj. hrabja Klemens z Einsiedel z Radworja a tachantski šulski direktor knj. Pětr Šořta z Budyšina namakaštaj, z farskeje cyrkwy k nowej šuli, mjeztym zo so ze wšěmi zwonami zwonješe. Před šulu a we šulskimaj stwomaj buchu swjećeńske modlitwy wuspěwane a k tomu słušace wobzjady wukonjane. Skónčnje bu we cyrkwi chwalbny kěrluš Te Deum laudamus spěwany. Bóh daj, zo by nowa šula hako městno rozwučenja a křesćanskeje čahnytby (red.:kublanja) jeno dobre a wužitne sobustawy za swójbu, wosadu, kraj a cyrkej kublała. H.D.

From:

<http://82.165.187.122/> - Radibor - Chronik

Permanent link:

<http://82.165.187.122/doku.php?id=sula1874-wotewr&rev=1644262347>

Last update: **2022/02/07 19:32**

